



**PRAVILNIK O ANGAŽOVANJU UPOSLENIKA
UNIVERZITETA "DŽEMAL BIJEDIĆ" U MOSTARU
NA DRUGIM VISOKOŠKOLSKIM USTANOVAMA**

Mostar, juni 2014. godine

Na osnovu člana 54. Zakona o visokom obrazovanju u Hercegovačko-neretvanskom kantonu ("Službene novine Hercegovačko-neretvanskog kantona" broj: 4/2012) i člana 72. Statuta Univerziteta "Džemal Bijedić" u Mostaru Senat Univerziteta "Džemal Bijedić" u Mostaru, na sjednici održanoj dana 26.6.2014. godine donio je

PRAVILNIK O ANGAŽOVANJU UPOSLENIKA UNIVERZITETA "DŽEMAL BIJEDIĆ" U MOSTARU NA DRUGIM VISOKOŠKOLSKIM USTANOVAMA

Član 1.

- (1) Ovim Pravilnikom uređuju se uslovi angažovanja uposlenika (akadenskog osoblja i drugih uposlenika) Univerziteta "Džemal Bijedić" u Mostaru za rad na drugim visokoškolskim ustanovama, te postupak davanja saglasnosti za takav angažman.
- (2) Druga visokoškolska ustanova u smislu ovog Pravilnika je svaka visokoškolska ustanova u zemlji i inostranstvu.

Član 2.

- (1) Uposlenik se može angažovati izvan Univerziteta "Džemal Bijedić" u Mostaru samo uz prethodno odobrenje Senata Univerziteta, u skladu sa ovim Pravilnikom.
- (2) Sukob s interesima Univerziteta nastaje ako se uposlenik angažuje na drugoj visokoškolskoj ustanovi bez prethodnog odobrenja Senata.

Član 3.

- (1) Zahtjev za angažovanje na drugoj visokoškolskoj ustanovi uposlenik podnosi Senatu Univerziteta, prije početka nastave u semestru, uz koji prilaže prethodno pribavljeno mišljenje Naučno-nastavnog vijeća fakulteta. Uposlenik koji je raspoređen u zajedničke službe Univerziteta, zahtjev podnosi uz prethodno pribavljeno mišljenje Kolegija rektora.

Član 4.

- (1) Nakon dobijanja prethodne saglasnosti od Naučno-nastavnog vijeća fakulteta ili Kolegija rektora, Senat se po pravilu izjašnjava pozitivno o angažovanju uposlenika na drugim visokoškolskim ustanovama sa kojima Univerzitet ima potpisan ugovor o saradnji, odnosno o razmjeni akademskog osoblja.
- (2) Izuzetno, Senat se može izjasniti pozitivno o angažovanju uposlenika na drugim prestižnim visokoškolskim ustanovama, sa kojima Univerzitet nema potpisan ugovor o saradnji, ako je to od izuzetnog interesa za razvoj i afirmaciju Univerziteta.
- (3) Senat može odobriti angažman uposlenika na drugoj visokoškolskoj ustanovi najviše na dva nastavna predmeta u jednom semestru.

Član 5.

Uposlenik koji nije dobio saglasnost u smislu člana 4. ovog Pravilnika, ne može, u svoje ime i za svoj račun, kao ni za račun druge visokoškolske ustanove, biti angažovan u izvođenju nastave na drugoj visokoškolskoj ustanovi u toku radnog vremena na Univerzitetu, radom van radnog odnosa ili u dopunskom radu.

Član 6.

Ako uposlenik postupi suprotno prethodnom članu ovog Pravilnika čini, svojom krivicom, u smislu Pravilnika o radu, težu povredu radne obaveze.

Član 7.

Univerzitet vodi jedinstvenu evidenciju o radu uposlenika u skladu s ovim Pravilnikom. Za vođenje i održavanje evidencije odgovoran je generalni sekretar.

Član 8.

Pravilnik stupa na snagu danom donošenja i biti će objavljen na web stranici Univerziteta "Džemal Bijedić" u Mostaru.

**Predsjedavajući Senata
Univerziteta "Džemal Bijedić" u Mostaru**

Broj: 101-1-768/14

prof. dr. Sead Pašić, rektor



Broj: 101-2496/18
Mostar, 26. 10. 2018. godine

Na osnovu člana 72. Statuta Univerziteta „Džemal Bijedić“ u Mostaru, na osnovu prijedloga Rektora, broj: 101-1-2434/18 od 18.10.2018. godine, Senat Univerziteta, na 82. sjednici održanoj 25.10.2018. godine donio je:

ODLUKU

o izmjeni i dopuni Pravilnika o angažovanju uposlenika Univerziteta „Džemal Bijedić“ u Mostaru na drugim visokoškolskim ustanovama

I

Dodaje se novi član 5. koji glasi:

- (1) Zaposlenik koji je u toku akademske godine opterećen s dvostrukim brojem sati nastave, odnosno vježbi (300 sati za nastavnika, 480 sati za višeg asistenta, 600 sati za asistente) ne može dobiti odobrenje za angažovanje na drugoj visokoškolskoj ustanovi.
- (2) Senat, izuzetno, može odobriti dodatno radno angažovanje zaposlenika, koji su u toku akademske godine opterećeni s dvostrukim brojem sati nastave odnosno vježbi, u drugoj visokoškolskoj ustanovi, samo ukoliko je to u interesu Univerziteta, shodno zaključenom ugovoru o međusobnoj saradnji, na način i po postupku utvrđenom u članu 3. ovog Pravilnika, ali uz dodatno obrazloženje da je od izuzetnog interesa Univerziteta i to najviše do 30 sati po semestru.

Dosadašnji član 5. postaje član 6. te svaki naredni član mijenja svoj redoslijed.

II

Odluka će se primjenjivati od ljetnog semestra 2018/2019. godine, a objavit će se na web stranici i oglasnoj ploči Univerziteta.

Dostaviti :

1. Organizacionim jedinicama 8x
2. Oglasna ploča /Web
3. Voditeljima studijskih programa
5. Prorektoru za nastavu
6. a/a

**PREDSJEDAVAJUĆI SENATA
UNIVERZITETA „DŽEMAL BIJEDIĆ“
U MOSTARU**


Prof. dr. Elvir Zlomušica, rektor

